



JAMHURI YA MUUNGANO WA TANZANIA  
WIZARA YA UJENZI NA UCHUKUZI  
SHIRIKA LA RELI TANZANIA



Simu: 2133990  
Telegram: Railways  
Nukushi: 2133428

Ofisi ya Uhushiano  
S.L.P 76959  
Barabara ya Sokoine  
Dar es Salaam

**TAARIFA KWA UMMA  
MAJARIBIO YA MIFUMO KATIKA RELI YA KIWANGO CHA KIMATAIFA – SGR  
(STANDARD GAUGE RAILWAY) DAR ES SALAAM – MOROGORO**

Dar es Salaam, Tarehe 05 Aprili 2023.

Shirika la Reli Tanzania – TRC linautaarifu umma kuwa kwa kushirikiana na mkandarasi wa ujenzi wa reli ya kiwango cha kimataifa - SGR (Standard Gauge Railway) kampuni ya Yapi Merkezi wanaendelea na zoezi la majaribio ya mifumo ya Ishara na Mawasiliano yanayohusisha uwashaji umeme kwenye nguzo zilizopo katika reli ya kiwango cha kimataifa Dar es Salaam hadi Morogoro kuanzia siku ya alhamisi tarehe 6 Aprili 2023.

Wananchi wakiwemo waenda kwa miguu, waendesha vyombo vya moto na watumiaji wengine wa barabara wanaombwa kuwa makini na kuchukua tahadhari wanapokuwa karibu na miundombinu ya reli ya kiwango cha kimataifa.

Tahadhari zinazoshauriwa ni pamoja na; kuacha kutembea, kucheza au kuketi katika tuta la reli ya kiwango cha kimataifa, kuacha kufanya shughuli za kibinadamu pembezoni mwa tuta la reli, kuacha kugusa au kupanda nguzo zilizo pembezoni mwa reli, kuacha kushika nyaya za umeme ambazo zimegusa ardhi kwenye tuta la reli na kufuata maelekezo kutoka kwa wafanyakazi watakaokuwa kwenye vivuko vya reli.

Timu ya Mkandarasi na TRC inaendelea na matangazo kuitia vipeperushi na vipaza sauti katika maeneo yaliyo jirani na mradi kuanzia umbali wa kilomita 0 eneo la Stesheni jijini Dar es Salaam hadi kilomita 203 mkoani Morogoro ili kuwafahamisha wananchi kuhusu zoezi la majaribio ya mifumo.

Jamila Mbarouk  
Mkuu wa Kitengo cha Uhushiano